

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0060622 24
Zenica, 16.06.2025. godine

OPĆINSKOM SUDU U KAKNJU
-Sudiji za prethodno saslušanje-
KAKANJ

Na osnovu člana 45. stav 2. tačka h), člana 241. stav 1. i člana 242. ZKP F BiH podižem

O P T U Ž N I C U

Protiv:

S. I., neosuđivan,

što je:

dana 21.09.2024. godine, oko 18:35 sati, na regionalnom putu Kakanj-Zenica, u mjestu ..., upravljajući putničkim motornim vozilom marke „...“ registarskih oznaka ..., krećući se regionalnim putem iz pravca Zenice prema Kaknju, ugrozio javni promet, tako što je vozio neoprezno i nedovoljno pažljivo, jer je suprotno odredbama člana 36. stav 1. Zakona o osnovama sigurnosti saobraćaja na putevima u BiH, dolaskom u mjesto ..., kod stambenog objekta vlasništvo P. N., započeo radnju polukružnog okretanja na kolovoznoj traci označenoj punom bijelom linijom, prethodno se ne uvjerivši da to može učiniti bez opasnosti za druge učesnike u saobraćaju, iako je bio svjestan da svojom vožnjom može tako ugroziti javni promet da dovede u opasnost živote ljudi ili imovinu većih razmjera, ali je olako držao da do toga neće doći ili da će moći spriječiti, jer se u tom momentu na desnoj saobraćajnoj traci gledano iz pravca Kaknja prema Zenici kretalo motocikl marke „...“ reg. oznaka ..., kojim je upravljao Š. R., istom stvorio iznenadnu i neočekivanu prepreku, uslijed čega je došlo do udara njegovog vozila u motocikl marke „...“, uslijed čega je vozač motocikla Š. R. zadobio teške tjelesne povrede u vidu preloma lijeve ključne kosti i oguljotine kože desnog koljena, a njegova saputnica Š. E. zadobila je lakše tjelesne povrede u vidu razdemonagnječne rane lijeve šake, razdemonagnječne rane lijevog koljena, istegnuća mišića vrata i oguljotine kože stažnje strane lijeve šake u dijelu prstiju od II-V,

dakle, iz nehata kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, usljed čega je prouzrokovana teška tjelesna povreda jedne osobe i lakša tjelesna povreda druge osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.